



REPUBLIKA E SHQIPËRISË
AVOKATI I POPULLIT
Seksioni i Veçantë



Adresa: Bulevardi: "Zhan D'Ark" Nr.2
Tiranë, Shqipëri

Tel/Fax: +355 4 2380 300/315
E-mail: ap@avokatipopullit.gov.al
www.avokatipopullit.gov.al

Nr. Prot.
Nr. Dok. 201501188/5

Tiranë ___/___/2015

Lënda: *Rekomandohet vendosja e kamerave në IEVP Korçë që të monitorojnë rrugën ndërmjet godinës B dhe godinës së kultit*

Drejtuar: **Drejtorit të Përgjithshëm të Burgjeve**
Z. Artur ZOTO

TIRANË

Për dijeni: **Drejtorit të IEVP Korçë**
Z. Laert ÇELIKU

KORÇË

I nderuar Zoti Zoto,

Në zyrën e Avokatit të Popullit është regjistruar ankesa e të dënuarit Sh. A., i cili pretendon se, në datën 21.06.2015, gjatë kohës që ai po kryente ajrosjen në rrugën ndërmjet godinës B dhe godinës së kultit, ndaj tij është ushtruar dhunë fizike pas një debati që ai ka patur me drejtorin e IEVP Korçë.

Një nga veprimet e kryera për verifikimin e kësaj ankese ishte njohja me pamjet filmike të kamerave të sigurisë. Nga ky veprim u konstatua se, në rrugën ndërmjet godinës B dhe godinës së kultit, ku pretendohet se është ushtruar dhunë fizike nuk kishte kamera të sigurisë.

Mbikqyrja me kamera e të gjitha ambjenteve në IEVP, përveç atyre ambjenteve që çënojnë privatësinë, është vlerësuar nga ana jonë si një proces thelbësor për tre arsye:

Së pari, mbikqyrja me kamera ka një efekt parandalues për veprime të kundërligjshme që mund të kryhen, si nga ana e të dënuarve, ashtu dhe nga vetë punonjësit e policisë së burgjeve.

Së dyti, mbikqyrja me kamera dokumenton shumicën e ngjarjeve brenda ambjenteve të burgjeve dhe paraburgimeve, si dhe jep garanci për një gjykim objektiv dhe të paanshëm për masat disiplinore apo penale që duhet të merren ndaj individëve përgjegjës.

Së treti, dokumentimi filmik është një material mbi të cilin mund të konsultohen mjaft të dhëna apo pretendime për trajtimin e të dënuarve dhe mund të nxirren përfundime të vlefshme dhe të paanshme në rekomandimet apo raportet përkatëse që harton vetë Drejtoria e Përgjithshme e Burgjeve si dhe institucionet monitoruese të pavarura.

Për sa më lart, bazuar në nenin 63, pika 3 të Kushtetutës së Republikës së Shqipërisë, ku thuhet se: *“Avokati i Popullit ka të drejtë të bëjë rekomandime dhe të propozojë masa kur vëren shkelje të të drejtave dhe lirive të njeriut”* si dhe në mbështetje të nenit 21/b të ligjit nr.8454 dt.04.02.1999 *“Për Avokatin e Popullit”* i ndryshuar ku përcaktohet se: *“Avokati i Popullit paraqet rekomandime për marrje masash për vënien në vend të së drejtës së shkelur tek organi administrativ që, sipas tij, ka shkaktuar shkelje të të drejtave dhe lirive.”*

REKOMANDOJMË:

Vendosjen e kamerave që të monitorojnë rrugën ndërmjet godinës B dhe godinës së kultit në I EVP Korçë;

Për qëndrimin që do të mbani dhe masat që do merrni në zbatim të këtij rekomandimi, na vini në dijeni brenda afatit ligjor 30 ditor, të parashikuar në nein 22 të ligjit nr. 8454 datë 04.02.1999 *“Për Avokatin e Popullit”*.

Duke besuar në mirëkuptimin dhe bashkëpunimin tuaj,

K O M I S I O N E R I

Arben SHKËMBI